

Na osnovu Zaključka Predsjedništva Bosne i Hercegovine, broj: 01-50-1-449-42/24 od 21. februara 2024. godine, usvojenog na 11. redovnoj sjednici Predsjedništva, održanoj 21. februara 2024. godine Ministarstvo vanjskih poslova Bosne i Hercegovine o b j a v l j u j e:

JAVNI POZIV

Za prijavu kandidata iz Bosne i Hercegovine na poziciju u Vijeću Europe:

Ekspert u Savjetodavnom odboru Okvirne konvencije za zaštitu nacionalnih manjina

(Savjetodavni odbor je nezavisna stručna komisija, odgovorna za sprovođenje Okvirne konvencije za zaštitu nacionalnih manjina u državama članicama Vijeća Europe. Rezultati ove procjene sastoje se od detaljnih mišljenja, za pojedine zemlje, koja se usvajaju nakon postupka nadgledanja.)

Prijavljeni kandidati moraju biti visokog moralnog ugleda, eksperti sa najvišim integritetom, sa odgovarajućim iskustvom u oblasti zaštite nacionalnih manjina, koji su ugled stekli svojim doprinosom u razvoju demokracije, poštivanja i zaštite ljudskih prava, u skladu sa Rezolucijom Komiteta ministara Vijeća Europe CM/Res (2019)49, da su nezavisni i nepristrasni u obavljanju svojih dužnosti.

Podnosioc prijave mora ispunjavati sljedeće opće uvjete:

- Da je državljan Bosne i Hercegovine;
- Da ima univerzitetsku diplomu, odnosno da ima odgovarajući nivo obrazovanja i odgovarajuće stručno znanje i iskustvo za obavljanje dužnosti na koju se imenuje;
- Da je afirmisani djelatnik u diplomatskoj službi Bosne i Hercegovine, odnosno da je istaknuti politički, privredni, javni ili naučni djelatnik koji je dao znatan doprinos Bosni i Hercegovini i vrlo aktivno radi na jačanju međunarodnog subjektiviteta i ugleda Bosne i Hercegovine u svijetu;
- Da ima aktivno znanje engleskog ili francuskog jezika (znanje više stranih jezika uzima se u obzir pri izboru kandidata kao dodatni kvalitet);
- Da se ne vodi krivični postupak protiv tog lica;
- Da nije obuhvaćen odredbom člana IX.1 Ustava Bosne i Hercegovine.

Uz prijavu na Javni poziv, kandidat mora priložiti sljedeće dokumente (ovjerenu kopiju):

- Biografiju, na jednom od službenih jezika BiH, sa kontakt podacima (broj telefona, e-mail, adresa, prebivalište);
- Biografiju (prema specifičnom modelu dostupnom na web stranici www.mvp.gov.ba) na jednom od službenih jezika Vijeća Europe;
- Ovjerenu fotokopiju Univerzitetske diplome, odnosno nostrifikovanu diplomu, ukoliko je fakultet završen izvan BiH, nakon 1992. godine, a za kandidate koji su studij završili prema Bolonjskom načinu studiranja obavezno je dostaviti i Dodatak diplome;

iznimno, samo u slučaju da visokoškolska ustanova dodatak diploma nije uopšte izdavala, niti za jednog diplomca, kandidat je dužan da uz ovjerenu kopiju univerzitetske diplome dostavi uvjerenje visokoškolske ustanove da dodatak diploma nije uopšte izdat, niti za jednog diplomca;

- Dokaz o radnom iskustvu u navedenim oblastima;
- Uvjerenje o aktivnom znanju engleskog ili francuskog jezika;
- Uvjerenje o aktivnom ili pasivnom znanju drugog jezika;
- Uvjerenje o državljanstvu, ne starije od šest mjeseci;
- Uvjerenje o nevođenju krivičnog postupka, ne starije od šest mjeseci;
- Izjava ovjerena kod nadležnog organa da kandidat nije obuhvaćen odredbom člana IX 1. Ustava Bosne i Hercegovine

Podnosioc prijave, u pisanoj formi, pored ostalog, treba da navede i motiv podnošenja prijave na Javni poziv, te obrazloženje zbog čega smatra da je osoba koja može obavljati naprijed navedene poslove, te da navede iskustva iz oblasti prava, ljudskih prava i razvoja demokratije. Prijava mora biti svojeručno potpisana.

Dostavljene prijave, sa kompletnom traženom dokumentacijom, bit će proslijeđene Predsjedništvu Bosne i Hercegovine na dalje postupanje.

O prijavljenim kandidatima, od strane Bosne i Hercegovine odlučuje Predsjedništvo Bosne i Hercegovine, u skladu sa svojim ustavnim ovlaštenjima.

Konačnu odluku o izboru donosi Komitet ministara Vijeća Europe.

Rok za podnošenje prijava kandidata je petnaest (15) dana od dana objavljivanja Javnog poziva.

Prijave, sa potrebnom dokumentacijom (u zatvorenoj koverti, s naznačenom adresom pošiljaoca) dostavljaju se neposredno ili putem pošte, preporučeno, na adresu: **Ministarstvo vanjskih poslova Bosne i Hercegovine; ul. Musala 2; 71000 Sarajevo; s naznankom „Javni poziv – Vijeće Europe - FCNM“.**

Nepotpune i neblagovremene prijave neće se uzeti u razmatranje.